

guerram haberet, proviso statui guerre sue et regni sui prout supra. Et est sciendum quod de premissis fuerunt facte littere duplicate ejusdem tenoris, quarum alias procuratores et nuncii predicti domini Francie regis portarunt et alie prefatis tractatoribus dicti domini Castelle et Legionis regis remanserunt.

In quorum premissorum omnium et singulorum fidem et testimonium, nos supradicti archiepiscopus, abbas et thesaurarius et nichilominus nos archiepiscopus vice prenominati domini de Tors litteras ignorantis, ad ejus instanciam, nuncii dicti domini regis Francie, et nos Gondissalvus Segontinus episcopus, Legionis major notarius et Ferrandus Sancii de Valleoleti, miles, notarius major Castelle, tractatores pro dicto domino rege Castelle ad predicta specialiter deputati, nomina nostra necnon nos, dictus archiepiscopus, nomen dicti domini de Tors, presentibus subscripsimus litteris, et nichilominus omnes insimul et nostrum quilibet, eciam nos dictus Savarinus, nominibus quibus supra, sigilla nostra duximus eisdem literis apponenda.

Actum in civitate Legionensi et datum prima die julli, anno Domini millesimo trecentesimo quadragésimo quinto et secundum morem yspanicum, Era millesima ccc^a octuagesima tertia.

Hélias.

(Scellé sur double queue de parchemin des sceaux des six plénipotentiaires: trois seulement subsistent en partie.)

Archives Nat., J 602, n° 42.

14

Clément VI félicite Alphonse XI d'avoir suivi ses conseils.

Avignon, 12 août 1345.

Carissimo in Christo filio Alfonso regi Castelle illustri.

Letanter admodum et gratanter percepto quod tu, fili carissime, precibus et exhortationibus nostris super contrahendo inter dilectum filium nobilem virum Petrum infantem primogenitum tuum et unam de puellis inclitis domus regalis Frantie, Deo propitio, contra-

hendo, ut amoris vinculum quod inter te dictamque domum vigit hactenus solidaretur et ampliaretur uberius, per nostras tibi directas litteras, acquiescens benigne quod inter eundem primogenitum et dilectam in Christo filiam Blancham puellam nobilem natam clare memorie Philippi regis Navarre contrahatur hujusmodi matrimonium, favorabiliter consensisti, exinde tue celsitudini gratiarum referimus actiones. Speramus equidem in Domino quod ex hiis ac confederationibus mutuis utrique regali domui varia comoda redundabunt, pro certo sciturus, fili dilectissime, quod super hiis que tuis honoribus et comodis convenient, nos, quantum cum Deo poterimus, propitios reperies et benignos.

Datum ut supra.

Reg. Vat., 139, n° CCLXXV.

15

Clément VI félicite l'infant D. Pedro d'avoir écouté ses conseils.

Avignon, 12 août 1345.

Dilecto filio nobili viro Petro Infanti, primogenito carissimi in Christo filii nostri Alfonsi regis Castelle illustris.

Quia precibus et exhortationibus nostris, ut ad solidandum et augendum unitatis et amoris vinculum inter Castelle ac Francie domos regias inclitas, unde varia comoda provenisse hactenus dinoscuntur hinc inde, de prosapia domus ejusdem Frantie uxorem tibi copulari consentires, favorabiliter annuens et benigne quod dilecta in Christo filia puella nobilis Blancha nata clare memorie Philippi regis Navarre tibi jungatur matrimonialiter consensisti, nobilitati tue gratiarum referimus actiones, sciturus, fili, quod nos semper tuis oportunitatibus propicios, quantum cum Deo poterimus, reperies benignos. Datum Avinione, ii idus augusti, anno quarto.

Reg., 139, n° CCLXXVII.